

水經注箋卷第十三

漢 桑 欽撰

後魏酈道元 注

明 李長庚訂

孫汝澄

朱謀煒箋

李克家全校

濕水

濕水出鴈門陰館縣東北過代郡桑乾縣南

濕水出于累頭山一曰治水泉發于山側沿坡歷

澗東北流出山逕陰館縣故城西縣故樓煩鄉也

漳按漢地理志鴈門郡陰館縣注云累頭山治漢

景帝後元三年置王莽更名富臧矣魏天安三年

水經注箋

卷十三

一

王國 三百九十五 徐魁寫

齊平徙其民於縣立平齊郡濕水又東北流左會

桑乾水縣西北上平洪源七輪謂之桑乾泉即濠

涪水者也耆老云其水潛承太原汾陽縣北燕京

山之大池池在山原之上世謂之天池方里餘其

水澄渟鏡淨而不流漳按御覽引此作其水若安

定朝那之湫淵也清水流潭皎焉冲照池中嘗無

片草及其風澤御覽引此作池中有淪輒有小

鳥翠色投淵銜出若會稽之私鳥也私鳥當作私

詳見四其水陽燁不耗克家云燁陰霖不濫無能

測其淵深也古老相傳言嘗有人乘車於池側忽

按魏代天安三年向平州年又
後二有澤而
不注之文

過當作

大風飄之於水有人獲其輪於桑乾泉故

知二水潛流通注矣池東隔阜又有一石池方可

五六十步清深鏡潔不異天宋本池桑乾水自源

東南流右會馬邑川水水出馬邑西川俗謂之磨

川矣蓋狄語言譌馬磨聲相近故爾其水東逕馬

邑縣故城南于寶搜神記曰昔秦人築城於武周

塞內以備胡城將成而崩數矣有馬走一地周旋

反覆父老異之因依以築城城乃不崩遂名馬邑

或以為代之馬城也諸記紛競未識所是漢以斯

邑封韓王信後為匈奴所圍信遂降之王莽更名

水經注箋

卷十三

二

王國

之曰章昭其水東流克家云流下桑乾水桑乾水

又東南流水南有故城南宋本北臨河又東南右

合濕水亂流枝之當作南分桑乾水又東左合武

周塞水孫云地理水出故城東南流出山逕日沒

城南蓋夕陽西頽戎車所薄之故城舊本作也榮

當作有日中城城東又有早起城亦曰食時城在

黃瓜阜北曲中其水又東流右注桑乾水桑乾水

又東南逕黃瓜阜曲西又屈逕其堆南徐廣曰猗

盧廢嫡子曰利孫于黃瓜堆者也又東右合枝津

枝津上承桑乾河東南流逕桑郡北孫云桑郡當

作桑乾郡

寫情者
物不過者
字德言情

大魏因水以立郡受厥稱焉又東北左合夏屋山
水水南出夏屋山之東谿西北流逕故城北所未
詳也又西北入桑乾枝水桑乾枝水又東流津委
浪通結兩湖東湖西浦淵潭相接水至清深晨鳧
夕鴈泛濫其上黛甲素鱗潛躍其下俯仰池潭意
深魚鳥所寡唯良木耳俗謂之南池池北對湟陶
縣之故城南故曰南池也池水又東北注桑乾水
為濕水並受通稱矣濕水又東北逕魏亭西蓋皇
魏天賜三年之所經建也濕水又東北逕白狼堆
南魏烈祖道武皇帝於是遇白狼之瑞故斯阜納

水經注箋

卷十三

稱焉阜上有故宮廟樓榭基雉尚崇每至鷹隼之
秋羽獵之日肆閱清野為昇眺之逸地矣濕水又
東流四十九里東逕巨魏亭北又東崞川注之水
南出崞山縣故城南王莽之崞張也縣南面玄岳
右背崞山處三山之中故以崞張為名矣其水又
西出山謂之崞口北流逕繁時故城東王莽之當
要也又北逕巨魏亭又北逕劇陽縣故城西王莽
之善陽也孫云善陽一作鄴陽按十三州志曰在陰館縣東
北一百三里其水又東注于濕水濕水又東逕班
氏縣南如渾水注之水出涼城旋鴻縣後魏地形志恒州梁

城郡有祗鴻縣西南五十餘里東流逕故城南北

俗謂之獨谷孤城水亦即名焉東合旋鴻池水

後魏書曰代都有旋鴻池水出旋鴻縣東山下

魚水水出魚谿南流注池池水吐納川流以成巨

沼東西二里南北四里北對涼州池之南池池方

五十里俗名乞伏袁河雖隔越山阜鳥道不遠雲

霞之間常有崑云常有之西南流逕旋鴻縣南又

宋本作右合如渾水是總二水之名矣如渾水又東南

流逕水固縣縣以太和中因山堂之目以氏縣也

水固疑是未固之譌崑考魏書地形志並無此縣名右會年水孫云年水當作羊水

水經注箋

卷十三

四

出平城縣之西苑外武周塞北出東轉逕燕昌城

南按燕書建興十年慕容寶自河而還軍敗於叅

合死者六萬人十一年垂象北至叅合見積骸如

山設策弔之十六國春秋云死者父兄皆號泣哀

慟垂慙憤嘔血因而寢疾焉輦過平城北四十里

疾篤築燕昌城而還即此城也故北俗謂之老公

城也羊水又東注于如渾水亂流逕方嶺上有文

明太皇太后陵陵之東北有高祖陵二陵之南有

水固堂堂之四周隅雉列榭階欄檻及扉戶梁壁

椽瓦悉文石也檐前四柱採洛陽之八風谷黑石

為之雕鏤隱起以金銀間雲雉有若錦焉堂之內

外四側結兩石扶疑作帳孫云疑青石屏風以文

石為緣並隱起忠孝之容題刻貞順之名廟前鑄

石為碑獸碑石在冢宋本作碑左右列柏四周迷

禽閣日院外西側有思遠靈圖圖之西有齋堂南

門表二石闕闕下斬山累結御路下望靈泉宮池

皎若圓鏡矣羊水又東注如渾水又南至靈泉池

枝津東南注池池東西一百步南北二百步池渚

舊名白楊泉泉上出白楊樹因以名焉其猶長楊

五柞之流稱矣南面舊京北背方嶺左右山源亭

水經注箋

卷十三

觀繡峙方湖反景若三山之倒水下如渾水又南

逕北宮下舊宮人作薄所在如渾水又南分為二

水一水西出南屈入北苑中歷諸池沼又南逕虎

園東魏太平真君五年成之以牢虎也季秋之月

聖上觀宋本御圈上勅虎士効力於其下事同奔

戎生制猛獸堉按穆天子傳云有虎在乎葭中七

即詩所謂袒裼暴虎獻于公所也故魏有捍虎圖

也又逕平城西郭內魏太當當作七年所成也城

周西郭外有郊天壇壇之東側有郊天碑建興四

年立其水南又屈逕平城縣故城南史記曰高帝

先至平城史記音義曰在鴈門卽此縣矣王莽之
平順也魏天興二年遷都於此太和十六年破太
華安昌諸殿造太極殿東西堂及朝堂夾建象魏
乾先當作元中陽端門東西二掖門雲龍神虎中華
諸門皆飾以觀閣東堂東接太和殿殿之東階下
有一碑太和中立古本有石字是洛陽八風谷之石古本
無此石字繼此下石也殿之東北至蓋天九百一十三
石字諸本錯入九卷其水注中今據宋本改
正于此石也殿之東北接紫宮寺南對承賢門門南
卽皇信堂堂之四周圖古聖忠臣烈士之容刊題
其側是辯章郎彭城張僧達樂安蔣少遊于堂南

水經注箋

卷十三

對白臺臺甚高廣臺基四周列壁閣路自內而升
國之圖錄秘籍悉積其下臺西卽朱明閣直侍之
官出入所由其水夾御路南流逕蓬臺西魏神瑞
三年又毀建白樓樓甚高竦加觀榭於其上表裏
飾以石粉晞曜建素赭白綺分宋本作粉故世謂之白
樓也後置大鼓於其上晨昏伐以千椎爲城里諸
門啓閉之候謂之戒晨鼓也又南逕皇舅寺西是
太師黎昌馮晉國所造黎昌馮晉國當作昌黎馮
晉國文明太后兄也官定州刺史進爵昌黎王在
諸州鎮建佛圖精舍合七十二處孝文卽位爲侍
師中太有五層浮圖其神圖像皆合青石爲之加以

金銀火齊衆綵之上。燁燁有精光。又南逕水。當作

寧七級浮圖。西制甚妙。宋本作其工在寡雙。又南

遠。一作出郊郭。弱柳蔭街。絲楊被浦。公私引裂。用

周園挽。謝云宋本長塘曲池。所在布濩。故不可得

而論也。一水南逕白登山。西服虔曰白登臺。名也。

去平城七里。如淳曰平城傍之高城。若丘陵矣。今

平城東十七里有臺。即白登臺也。臺南對罡阜。即

白登山也。故漢書稱上遂至平城上白登者。也。為

匈奴所圍。處孫暢之述。畫曰漢高祖被圍七日。陳

平使能畫作美女送與冒頓。闕氏。克家云冒頓闕氏讀如墨特烟

水經注箋 卷十三 七

夫恐冒頓勝漢其寵必衰。說冒頓解圍於此矣。其

水又逕寧先宮東。獻文帝之為太上皇也。所居故

宮矣。宮之東次下有兩石柱。是石虎鄴城東門石

橋柱也。按柱勒趙建武中造。以其石作工妙。徙之

於此。余為尚書祠部。與宜都王穆罷。同拜北郊。親

所逕見。罷當作罷逕。當作經。埤按後魏書穆

悉鏤雲炬。古本作悉鏤雲炬上作蟠螭。甚有形勢。

信為工巧。去子丹碑側遠矣。其水又南逕平城縣

故城東。司州代尹治。皇都洛陽。以為恒州。水左有

大道壇廟。始光二年。少室道士寇謙之所議建也。

兼諸嶽廟碑亦多所署立其廟階五成宋本作四

周欄檻上階之上以木為員基令干相枝梧以板

切宋本其上欄陛承阿上員制如明堂而專室四

戶室內有神坐坐右列玉磬皇輿親降受籙靈壇

號曰天師宣揚道式暫重當時壇之東北舊有靜

輪宮魏神嘉四年造抑亦栢梁之流也漢書武帝

春起栢梁臺服虔注云臺高廣超出雲間欲令上

延霄客下絕囂浮太平真君十一年又毀之物不

停固白登亦繼禡矣水右有三層浮圖真容鷲架

悉結石也裝制麗質亦盡美善也東郭外太和中

水經注箋

卷十三

闔人宕昌公鉗耳處時立祗洹舍於東畢椽瓦梁

棟臺壁櫺陛尊容聖像及牀坐軒帳悉青石也圖

制可觀所恨唯列壁合石踈而不密庭中有祗洹

碑碑題大篆非佳耳然京邑帝里佛法豐盛神圖

妙塔築時當作相望法輪東轉茲為上矣其水自

北苑南出歷京城內河干兩湄太和十年累石結

岸夾塘之上雜樹交蔭郭南結兩石橋橫水為梁

又南逕藉田及藥圃西明堂東明堂上圓下方四

周十二戶九堂而不為重隅也室外柱內綺井之

下施機輪飾縹仰象天狀畫北通之宿鳥蓋天也

詳年姓

四百〇七

此處錯簡已正尚有訛誤當 每月隨斗所建之辰

云畫北辰辰列宿象蓋天也 轉應天道此之異古也加靈臺於其上下則引水

為辟雍水側結石為塘事準古制是太和中之所

經建也如渾水又南與武周川水會水出縣西南

山下二源翼導俱發一山東北流合成一川北流

逕武周縣故城西王莽之桓周也孫云武周桓周

又東北右合黃山水西出黃阜下重孫云疑北流

聖山之水注焉水出西山東流注于黃水黃水又

東注武周川又東歷故亭北右合火山山西谿水水

導源火山西北流山上有火井南北六十七步廣

水經注箋

卷十三

九

減尺許源深不見底炎勢上升常若微雷發響以

草爨之則煙騰火發東方朔神異傳云南方有火

山焉長四十里廣四五里其中皆生不燼之木晝

夜火然暴雨猛風不滅古本作得雨猛風不滅考

猛雨不滅吳本火中有鼠重百斤毛長二尺餘細

如絲色白時時出火神異經作以水逐而沃之則

死取其毛績以為布謂之火浣布是山亦其類也

但卉物則不能然其山以火從地中出故亦名榮

臺矣榮當作榮郡國志云連渾府遙火山山西有火

井炎氣上升常若微電以草爨之烟騰火發火井東五六尺又東有湯井廣輪與火井相

故名

榮臺

狀勢熱又同以草內之則不然皆沾濡露結故俗

以湯井為目井東有文井祠以時祀祭焉謝云文井祠當

作火井祠孫云三卷園陽縣注中鴻門縣亦有火井祠井北百餘步有東西

谷廣十許步南岸下有風穴厥大容人其深不測

而穴中肅肅常有微風雖三伏盛暑猶須襲裘寒

吹凌人不可暫停而其山出雛鳥形類雅鳥純黑

而姣好音與之同續采緝發鬣若丹砂性馴良而

易附巾童幼子捕而執之曰赤鬣鳥亦曰阿雛鳥

按爾雅純黑反哺謂之慈鳥小而腹下白不反哺

者謂之雅鳥白頭而羣飛者謂之燕鳥大而白頭

水經注箋

卷十三

者謂之蒼鳥爾雅曰鸞斯卑居也孫炎當作曰卑

居楚鳥捷為當作舍人以為壁屋壁屋字誤說文

謂之雅雅楚鳥莊子曰雅賈矣馬融亦曰賈鳥者

宋本無也又按瑞應圖有三足鳥赤鳥白鳥之名

而無記於此鳥故書其異耳自恒山以北並有此

矣其水又東北流注武周川水武周川水又東南

流水側有石祗洹舍并諸窟室比丘尼所居也其

水又東轉逕靈巖南鑿石開山因崖結構其容宋本

作真巨壯世法所縉山堂水殿煙寺相望林淵錦

鏡綴目新眺川水又東南流出山魏土地記曰平

三子注

城宮西三十里武周塞口者也自山口枝渠東出

入苑漑諸園池苑園洛陽殿宋本作苑殿北有宮

館一水自枝渠南流東南出火山水注之水發火

山東谿東北流出山山有石炭火之熱閭樵炭也

謝云宋本作熱同樵炭又東注武周川逕平城縣東南流注

如渾水又南流逕班氏縣故城東王莽之班副也

闕駟十三州志曰班氏縣在郡西南百里北俗謂

之去留城也如渾水又東南流注于濕水濕水又

東逕北平邑縣故城南趙獻侯十三年城平邑地

理志曰屬代王莽所謂平胡也十三州志曰城在

水經注箋

卷十三

高柳南八十里北俗謂之醜寅城濕水又東逕沙

陵南魏金田之地也事同曹武鄴中定矣濕水東

逕狝氏縣故城北漢書孟康注云狝氏字音權精王莽更名之曰

狝聚也十三州志曰縣在高柳南百三十里俗為

之苦力干城矣濕水又東逕道人縣故城南地理

志曰王莽之道仁也地理風俗記曰初築此城有

仙人遊其地故因以為城名矣今城北有淵潭而

不注故俗謂之為平湖也十三州志曰道人城在

高柳東北八十里所未詳也濕水又東逕陽原縣

故城南地理志曰代郡屬縣也北俗謂之北邯

州城濕水又東流又東宋本無流又東二字陽水注之水出

縣東北澤中北俗謂之太拔迴水水自源東南流

注于濕水又東逕東安陽縣故城北趙惠文王三

年封長子章為代安陽君此即章封邑王莽之競

安也地理風俗記曰五原有西安陽故此加東也

濕水東逕昌平縣溫水注之水出南墳下三源俱

導合而南流東北逕濕水濕水又東逕昌平縣故

城北王莽之長昌也昔牽招為魏鮮卑校尉屯此

濕水又東北逕桑乾縣故城西又屈逕其城北王

莽更名之曰安德也魏土地記曰代城北九十里

水經注箋

卷十三

有桑乾城城西渡桑乾水去城十里有溫湯療疾

有驗經言出南非也蓋誤證矣魏任城王彰以建

安二十三年伐烏丸入涿郡遂北遂至據宋本本當作遂北遂

桑乾止於此也水又宋本作又東流祁夷水注之周禮

嘔夷之川鄭注云嘔夷即祁夷而酈注涿水云即嘔夷水出平舒縣東逕平

舒縣之故城南澤中史記趙孝成王十九年以汾

門予燕易平舒徐廣曰平舒在代王莽更名之曰

平葆後漢世祖建武七年封陽武將軍馬成為侯

國其水控引衆泉以成一川魏土地記曰代城西

九十里有平舒城舊本作有城平舒西南五里代水所出

東北流言代水非也祁夷水又東北逕蘭亭南又東北逕石門關北舊道出中山故關也又東北流水側有故池按魏土地記曰代城西南三十里有代王魚池池西北有代王臺東去代城四十里祁夷水又東北得飛狐谷卽廣野君所謂杜飛狐之口也蘇林據酈公之說言在上黨卽實非也如淳言在代是矣晉建興中劉琨自代出飛狐口奔於安次卽於此道也魏土地記曰代城南四十里有飛狐關二門字宋本俱作關水西北流逕南舍亭西又逕句瓌亭西西北注祁夷水祁夷水又東北流逕代

城西盧植言初築此城板榦一夜自移于此故代西南五十里大澤中營城自護結葦爲九門於是就以爲治城圓匝而不方周四十七里開九門更

名其故城曰東城

搜神記云其城周圍三十五丈爲九門故城處呼之以爲東城

趙滅代漢封孝文爲代王梅福上事曰代谷者恒山在其南北塞在其北谷中之地上谷在東代郡在西是其地也王莽更之曰厭狄亭魏土地記曰城內有二泉一源流出城西門一源流出城北門二源皆北注代水祁夷水又東北熱水注之水出綾羅澤澤際有熱水亭其水東北流注祁夷水又

東北谷水注之出昌平縣故城南又東北入祁夷
祁夷右會逆水水導源將城東西北流逕將城北
在代城東北一十五里疑卽東代矣而尚傳將城
之名盧植曰此城方就而板榦自移應劭曰城徙
西南去故代五十里故名代曰東城或傳書倒錯
情用疑焉而無以辨之逆水又西注于祁夷之水
逆之爲名以西流故也祁夷水東北逕青牛淵水
自淵東注之者諺云有潛龍出於茲浦形類青牛
焉故淵潭受名矣潭深不測而水周多蓮藕生焉
祁夷水又北逕一故城西西去代城五十里又疑

水經注箋

卷十三

十四

良

是代之東城而非所詳也又逕昌平郡東魏太和
中置西南去故城六十里又北連水入焉水出雒
督縣東西北流逕雒督縣故城南又西逕廣昌城
南魏土地記曰代南二百里廣昌城南通大嶺
卽此非也十三州記曰平舒城東九十里廣平
城疑是城也尋其名狀忖理爲非又西逕王莽城
南又西到刺山水注之水出到刺山西山甚層峻
未有升其嶺者魏土地記曰代城東五十里有到
刺山山上有佳大黃也其水北流逕一故亭東城
北有石人故世謂之石人城西北注連水又北逕

當城縣故城西高祖十二年周勃定代斬陳豨於
當城卽此處也應劭曰當桓都山作城故曰當城
也又逕故代東而西北流注祁夷水祁夷水西有
隨山山上有神廟謂之女郎祠方俗所祠也祁夷
水又北逕桑乾故城東而北流注于濕水地理志
曰祁夷水出平舒縣北至桑乾入濕是也濕水又
東北逕石山水口水出南山北流逕空侯城東魏
土地記曰代城東北九十里有空侯城也其水又
東北流注濕水濕水又東逕潘城縣北東合協陽
關水水出協溪魏土地記曰下洛城西南九十里

水經注箋

卷十三

十五

四百

有協陽關關道西通代郡其水東北流歷笄頭山
闕駟曰笄頭山在潘城南卽是山也又北逕潘縣
故城左會潘泉故瀆瀆舊上承潘泉於潘城中或
云舜所都也魏土地記曰下洛城西南四十里有
潘城城西北三里有歷山山上有虞舜廟十三州
記曰廣平城東北一百一十里有潘縣地理志曰
王莽更名樹武其泉從廣十數步東出城注協陽
關水雨盛則通注陽旱則不流唯并泉而已
及莊子所謂并濟統是也關水又東北流注于濕水又東逕雍
洛城南魏土地記曰下洛城西當作西二十里有

別本又東逕
三臺北向上有
又東逕高邑
別本亭北七字

是使下程有
北注

雍洛城桑乾水在城南東流者也濕水又東逕下
洛縣故城南王莽之下忠也魏燕州廣甯縣廣甯
郡治魏土地記曰去平城五十里城南二百步有
堯廟濕水又東逕三臺北濕水又東逕無鄉城北
地理風俗記曰燕語呼亡為無今改宜鄉也濕水
又東逕溫泉水注之水上承溫泉於橋山下魏土
地記曰下洛城東南四十里有橋山下有溫泉泉
上有祭堂雕簷華宇被于浦上石池吐泉湯湯其
下炎涼代序是水灼焉無改能治百疾是使越者
若流池水北流入于濕水濕水又東左得于延水

水經注箋

卷十三

口水出塞外于玄鎮西長川城南小山山海經曰
梁渠之山無草木多金玉脩水出焉東南流逕且
如縣故城南應劭曰當城西北四十里有且如城
故縣也代稱不拘名號變改校其城郭相去遠矣
地理志曰中部都尉治于延水出縣北塞外即脩
水也脩水又東南逕馬城縣故城北地理志曰東
部都尉治十三州志曰馬城在高柳東二百四十
里俗謂是水為河頭河頭出戎方土俗變名耳又
東逕零丁城南右合延鄉水水出縣西山東逕延
陵縣故城北地理風俗記曰當城西北有延陵鄉

故縣也俗指謂之琦城川又東逕羅亭又東逕馬

城北又東注脩水又東南於本大甯郡北右注

鴈門水山海經曰鴈門之水出于鴈門之山鴈出

其間在高柳北高柳在代中其山重巒疊巘霞舉

雲高連山隱隱東出遼塞其水東南流逕高柳縣

故城北舊代郡治秦始皇二十三年虜趙王遷國

以為郡當作以國為郡王莽之所謂厭狄也建武十九年

世祖封代相堪為侯國昔牽招斬韓忠於此處魏志

牽招字子經太祖辟為從事遣詣柳城在峭王大

會坐上以韓忠為公孫康使者擅拜峭王為單于

提忠頭頓築拔刀欲斬之峭王城在平城東南六

水經注箋

卷十三

七十里於代為西北也鴈門水又東南流屈逕一

故城背山面澤北俗謂之叱嶮城鴈門水又東南

流屈而東北積而為潭其陂斜長而不方東北可

二十餘里廣一十五里蒹葭蘭謝云一作叢生焉敦水

注之導當作其水導源西北少咸之山南麓東流逕

參合縣故城南地理風俗記曰道人城北五十里

有參合鄉故縣也敦水東又澁水注之出東阜下

西北流逕故城北俗謂之和堆城又北合敦水亂

流東北注鴈門水故山海經曰少咸之山敦水出

焉東流注于鴈門之水郭景純曰水出鴈門山謂

斯水也。鴈門水又東北入陽門山，謂之陽門水。與神泉水出葦壁北，水有靈焉。及其密雲不雨，陽旱愆期，多禱請焉。水有二流，世謂之比連泉。一水東北逕一故城，東世謂之石虎城，而東北流注陽門。水又東逕三會亭北，又東逕西何道城北，又東託台谷水注之。水上承神泉於葦壁北，東逕陽門山南，託台谷謂之託台水，汲引泉谿澤澤，濤東注行者，間一十餘渡。東逕三會城南，又東逕託台亭北，又東北逕馬頭亭北，東北注鴈門水。鴈門水又東逕大甯郡北，魏太和中置有脩水注之，即山海經所謂脩水，東流注于鴈門水也。地理志曰：疑有于延水，而無鴈門脩水之名。山海經有鴈門之目，而燕當作無當說于延河自下，亦通謂之于延水矣。水側有桑林，故時人亦謂是水為蓼桑河也。斯乃北土寡桑至此見之，因以名焉。于延水又東逕罌城南，按史記蔡澤燕人也，謝病歸相秦，號罌成君，疑即澤所邑也。世名武罌城。疑脫一字于延水又東左與寧川水合，水出西北，東南流逕小甯縣故城南。地理志：寧縣也。西部都尉治王莽之博康也。魏土地記曰：大甯城西二十里有小甯城，昔邑人班丘仲居

仙水名
亦名

水側賣藥於甯百餘年人以為壽後地動宅壞仲
與里中數十家皆死民人取仲尸棄于延水中收
其藥賣之仲被裘從而詰之北疑作人失怖叩頭
求哀仲曰不恨汝故使人知我耳去矣後為太餘
王謝云一作驛使來甯埤云未北方人謂之謫仙
也于延水又東黑城川水注之水有三源出黑土
城西北奇源合注總為一川東南逕黑土城西又
東南流逕大甯縣西而南入延河延河又東逕大
甯縣故城南地理志云廣寧也王莽曰廣康矣魏
土地記曰下洛西北百三十里有大甯城于延水

水經注箋

卷十三

又東南逕茹縣故城北王莽之殺武也世謂之如
口城魏土地記曰城在鳴鷄山西十里南通大道
西達寧川于延水又東南逕鳴鷄山西魏土地記
曰下洛城東北三十里有延河東流北有鳴鷄山
史記曰趙襄子殺代王于夏屋而并其土襄子迎
其姊於代其姊代之夫人也至此曰代已亡矣吾
將何歸乎遂磨笄於山而自殺代人憐之為立祠
焉因名其疑脫一為磨笄山史記云其姊泣而呼
之所死地名之為磨笄之山孫云磨笄每夜有野
山在今保安州漢涿鹿縣秦上谷郡治鷄羣鳴於祠屋上故亦謂之為鳴鷄山魏土地記

六代城東南二十五里有馬頭山其側有鍾乳穴
趙襄子既害代王迎姊姊代夫人夫人曰以弟慢
夫非仁也以夫怨弟非義也磨笄自刺而死使者
自殺民憐之為立神屋於山側因名之為磨笄之
山未詳孰是于延水又南逕且居縣故城南王莽
之久居也舊本作王莽之所謂文居也其水東南流注于濕水
地理志曰于延水東至廣寧入治非矣

又東過涿鹿縣北

涿水出涿鹿山世謂之張公泉東北流逕涿鹿縣
故城南王莽所謂褫陸也黃帝與蚩尤戰於涿鹿

水經注箋

卷十二

二十一

三百三

之野留其民於涿鹿之河即於是處也其水又東

北與陂

一作陂下同

泉合其水導源縣之東泉魏土地

記曰下洛城東南六十里有涿鹿城城東一里有

陂泉泉上有黃帝祠晉太康地理記曰陂泉亦地

名也泉水東北流與蚩尤泉會水出蚩尤城城無

南古本

作東面魏土地記稱涿鹿城東南六里有蚩尤

城泉水淵而不流霖雨併則流注陂泉亂流東北

入涿水涿水又東逕平原郡南魏徙平原之民置

此故立僑郡以統流離涿水又東北逕祚亭北而

東北入濕水亦云涿水枝分入匈奴者謂之涿耶

地理潛顯難以究昭非所知也濕水又東南左會
清夷水亦謂之滄河也水出長亭南西逕北城村
故城北又西北平鄉川水注之水出平鄉亭西西
北流注清夷水清夷水又西北逕陰莫亭在居庸
縣南十里清夷水又西會牧牛山魏土地記曰沮
陽城東八十里有牧牛山下有九十九泉即滄河
之上源也山在縣東北三十里山上有道武皇帝
廟耆舊云山下亦有百泉競發有一神牛駁身自
山而降下飲泉竭故山得其名今山下導九十九
泉積以成川西南流國宋本作谷水與浮圖溝水注之

水經注箋

卷十三

出夷輿縣故城西南王莽以爲朔調亭也其水俱
西南注于滄水又西南右合地裂溝古老云晉世
地裂分此界間成溝壑有小水俗謂之分界水南
流入滄河又西逕居庸縣故城南魏上谷郡治昔
劉虞攻公孫瓚不尅北保此城爲瓚所擒有粟水
入焉水出縣下城西枕水又屈逕其縣南南注滄
河又西與右陽溝水合水出縣東北西南流逕居
庸縣城北西逕大翻小翻山南高巒截雲層陵斷
霧雙阜共秀競舉羣峯之上郡人王次仲必有異
志年及弱冠變蒼頡舊文爲今隸書秦始皇時官

松年案孫云
數語是解

務煩多以次仲所易文簡便於事要奇而召之三
徵而輒不至次仲履真懷道窮數術之美始皇怒
其不恭令檻車送之次仲首發於道古本作首化
為大鳥御覽引出在車外翻飛而去落二翻於斯
山故其峯巒有大翻小翻之名矣魏土地記曰沮
陽城東北六十里有大翻小翻山上神名大翻
神山屋東有溫湯水口其山在縣西北二十里峯
舉四十里上廟則次仲廟也右出溫湯療治萬病
泉所發之麓俗謂之土亭山此水炎熱倍甚諸湯
下足便爛人體療疾者要須別引消息用之耳不

水經注箋

卷十三

二十三

四百里

得言

謝云不得言三字似衍孫云不得言者次翻

山

宋本作大翻山

東其水東南流左會陽溝水亂流南注

滄河滄河又左得清夷水口魏土地記曰牧牛泉

西流與清夷水合者也白下一水互受通稱矣清夷

水又西靈亭城水注之水出馬蘭西澤中眾泉瀉

瀉

宋本作泉

歸于澤澤水所鍾以成溝瀆瀆水又

左與馬蘭谿水會水導馬蘭城城北負山勢因阿

仍谿民居所給唯仗此水水南流出城東南入澤

水澤水又南逕靈亭北又屈逕靈亭東落次仲鳥

翻於此故是亭有靈亭之稱矣其水又南流注于

清水清水

二清水並當
作清夷水

又西得泉溝水會水導源

川南平地北注清夷水清夷水又西南得桓公泉

蓋齊桓公霸世北伐山戎過孤竹西征東馬縣東

上卑耳之西極故水受斯名也

管子封禪篇桓公曰寡人北伐山戎

過孤竹西伐大夏涉流沙
東馬懸車上卑耳之山

水源出沮陽縣東西而

謝云當
作而西

北流入清夷水清夷水又西逕沮陽縣故

城北秦始皇上谷郡治此王莽改郡曰朔調縣曰

沮陰關駟曰涿鹿東北至

克家云此疑
脫一上字

谷城六十

里魏土地記曰城北有清夷水西流也其水又屈

逕其城西南流注于濕水濕水南至馬陁山謂之

水經注箋

卷十三

二三

振

落馬河

又東南出山

濕水又南入山瀑布飛梁縣河注壑崩湍十許丈

謂之落馬洪抑亦孟門之流也濕水自南出山謂

之清泉河俗亦謂之曰干水非也濕水又東南逕

良鄉縣之北界歷梁山南高粱水出焉

過廣陽薊縣北

孫云廣陽今京
師薊縣今大興

濕水又東逕廣陽縣故城北謝承漢書曰世祖與

銚期出薊至廣陽欲南行即此城也謂之小廣陽

濕水又東北逕薊縣故城南魏氏土地記曰薊城

如前卷作此

法家作此

元嘉註作

元嘉註作

南七里。有清泉河而不逕其北。蓋經誤證矣。昔周

武王封堯後於薊。今城內西北隅有薊丘。因丘以

名邑也。猶魯之曲阜。齊之營丘矣。武王封召公之

故國也。秦始皇二十三年滅燕。以為廣陽郡。漢高

帝以封盧縮為燕王。更燕國城有萬載宮。光明殿。

王莽改曰廣公。縣曰代成。東掖門下舊慕容雋立

銅馬像。處昔慕容廆有駿馬。赭白有奇相。逸力至

雋。光壽元年四十九矣。而駿逸不虧。雋奇之比鮑

氏。驄命鑄銅以圖其像。親為銘讚。鑄頌其傍。像成

而馬死矣。大城東門內道左有魏征南將軍建城

水經注箋

卷十三

二四

振

鄉景侯劉靖碑。晉司隸校尉當作王密表功加於

民。宜在祀典。以元嘉四年九月二十日刊石建碑。

揚于後葉矣。濕水又東與洗馬溝水合。水上承薊

水。西注大湖。湖有二源。水俱出。縣西北平。地道泉

流。結西湖。湖東西二里。南北三里。蓋燕之舊池也。

淶水澄澹。川亭望遠。亦為遊矚之勝所也。湖水東

流為洗馬溝。側城南。東門注昔銚期後啓戟處也。

書銚期從光武。狗薊時。薊中起兵。應王郎之檄。光武趣駕出。百姓聚觀。滿道不得行。期騎馬奮戟。瞋目大呼曰。趣。衆皆披靡。及至城門已閉。攻之得出。謝云。啓戟當作啓戟。其水又東入

濕水。濕水又東逕燕王陵。南陵有伏道。西北出薊

城中景明中造浮圖建利當作窮泉掘得此道王

府所禁莫有尋者通城西北大陵而是二基趾盤

疑作固猶自高壯竟不知何王陵濕水又東南高

梁之水注馬水出薊城西北平地泉東注逕燕王

陵北又東逕薊城北又東南流魏氏土地記曰薊

東一十里有高粱之水者其水又東南入濕水也

又東至漁陽雍奴縣西入竒溝

漢光武建武二年封潁川太守寇恂為雍奴侯魏

遣張郃樂進圍雍奴即此城矣竒溝水之別名也

魏氏土地記曰清泉河上承桑乾河東流與潞河

水經注箋

卷十三

二十五

合濕水東入漁陽所在枝分故俗諺云高粱無上

源清泉無下尾蓋以高粱微洧淺薄裁足津通憑

藉洧流方成川明清泉至潞所在枝分更為微津

散漫難尋故也

水經注箋卷第十三

戊午十二月二十日又讀